

- 37** STADFESTING KONUNGS á skipulagsskrá fyrir íslensk-
1. apríl danskan orðabókarsjóð útgefin á venjulegan hátt að mandatum af
dóms- og kirkjumálaráðherra 1. apríl 1927. Skipulagsskráin er þannig:

STOFNSKRÁ

fyrir

íslensk-danskan orðabókarsjóð.

Samkvæmt skilyrðum fyrir fjárveitingum þeim, er hið danska og hið íslenska ríki hafa látið í tje til að gefa út nýja íslensk-danska orðabók, geri jeg undirritaður Sigfús Blöndal, dr. phil., bókavörður, sem hefi fengið þessar fjárveitingar til útgáfu orðabókarinnar, ásamt meðundirritaðri konu minni og meðstarfsmanni Björgu Þorláksdóttur Blöndal, cand. phil., ákvarðanir þær, er nú skal greina, um stofnun sjóðs þess, sem hjer getur um síðar.

1. gr.

Sjóðurinn heitir „Íslensk-danskur orðabókarsjóður“.

2. gr.

Tilgangur sjóðsins er að sjá fyrir því, að framvegis verði jafnan til stór og vönduð íslensk-dönsk orðabók, yfir íslenskt og danskt nútíðarmál, er sje ný og ný útgáfa af hinni íslensk-dönsku orðabók Sigfúsar Blöndals og á henni byggð; sje hún endurnýjuð eftir þörfum og tillit tekið til allra helstu breytinga, er á málunum verða, eftir því sem stundir líða, svo að á þann hátt megi takast og þróast á þessu sviði traust menningarsamband milli þessara landa sjerstaklega og Íslands og Norðurlanda yfirleitt.

3. gr.

Sjóðurinn verður til af andvirði fyrir upplagið af 1. útgáfu orðabókarinnar, að kostnaði frádregnum. Í hann rennur síðan jafnan allt það fje, sem inn kemur við sölu á síðari útgáfum bókarinnar, sbr. 8. gr.

4. gr.

Aðalupphæð sjóðsins skal geyma í íslenskum eða dönskum ríkisskuldabréfum, veðdeildarbréfum Landsbankans eða danskra kreditfjelaga, eða á annan jafntryggan og arðbæran hátt. Smáupphæðir, sem afgangs verða, og það fje, sem af sjerstökum ástæðum þarf að vera handbært, skal geyma í áreiðanlegum sparisjóðum.

Verðbrjef sjóðsins skulu nafnskráð honum, að svo miklu leyti sem því verður við komið, og skal á þau rita bann hins danska kenslumálaráðuneytis eða hins íslenska dóms- og kirkjumálaráðuneytis gegn afhendingu. Ágóði af nafnsverðs- og gengismun skal lagður við innstæðuna. 37
1. apríl

5. gr.

Af vöxtum sjóðsins skal greiða kostnað allan við stjórn sjóðsins og rekstur, en leggja allan afganginn við höfuðstólinn, uns hann er orðinn 10.000 kr. Skal í þessu sambandi telja verð skuldabryfanna eftir innkaupsverði þeirra.

Þegar höfuðstóllinn hefir náð ofangreindri upphæð, skal úr því (að frádregnum útgjöldum við stjórn og rekstur sjóðsins) aðeins leggja 20 % af ársvöxtunum við hann, á meðan jeg eða meðundirrituð kona mín erum á lífi, afganginn, 80 %, skal, meðan jeg er á lífi, greiddur mjer, og síðan meðundirritaðri konu minni, ef hún lifir mig, meðan hún er á lífi, til undirbúnings næstu útgáfu bókarinnar.

Þegar við erum dáið bæði, skal stjórnin ráða einn eða fleiri menn til undirbúnings næstu útgáfu, og má til þess verja 80 % af ársvöxtunum, en 20 % leggist áfram við höfuðstólinn.

6. gr.

Þegar meðundirrituð kona mín og jeg erum bæði dáið, skal alt það, sem við höfum safnað til nýrrar útgáfu orðabókarinnar, vera eign sjóðsins.

7. gr.

Stjórn sjóðsins skal skipum fimm mönnum, og skulu í fyrstu stjórn hans vera þessir:

1. og 2. Undirritaður dr. phil. Sigfús Blöndal og meðundirrituð kona mín og meðstarfsmaður.
3. Stjórnarmaður, er jeg Sigfús Blöndal tilnefni.
4. Prófessorinn í íslenskri málfræði við Háskóla Íslands.
5. Stjórnarmaður, sem danska kenslumálaráðuneytið tilnefnir.

Hinir tveir fyrstnefndu eru í stjórninni til æfiloka. Nú verður laust sæti í stjórninni við það, að einhver hinna þriggja fyrstnefndu stjórnarmanna deyr eða fer frá á annan hátt, og kjósa þá allir hinir stjórnarnefndarmennirnir í sameiningu nýjan mann í stjórnina, annaðhvort æfilangt eða til ákveðins árafjölda, eftir því, sem þeim sýnist, og á sama hátt kýs stjórnin ávalt framvegis menn í þessi þrjú sæti. Þá eina má kjósa í stjórn, sem eru reyndir málfræðingar og vel að sjer í íslensku og dönsku. Þeir skulu og helst vera búsettir í Reykjavík eða Kaupmannahöfn, eða í nágrenni þeirra bæja.

37 Ef einhverjar þær breytingar verða, sem hafa það í för með
1. apríl sjer, að ekki er hægt að koma við ákvæðinu um 4. stjórnarmann-
inn, sem þessi grein tiltekur, ræður kenslumálaráðuneyti Íslands
kosningu hans.

Kenslumálaráðuneytið danska ákveður sjálf, hve lengi sá
maður, er það tilnefnir í stjórnina, skuli eiga þar sæti í hvert sinn.

8. gr.

Þegar þörf er orðin á nýrri útgáfu orðabókarinnar og sjóð-
urinn er orðinn svo mikill, að bersýnilegt er, að hann getur að mestu
eða öllu leyti kostað útgáfuna, má verja öllum höfuðstól sjóðsins til
hennar, enda sje upplagið þá eign sjóðsins og andvirði þess myndi
sjóðinn á ný, og skal honum þá enn varið á sama hátt og stjórnað
eftir sömu reglum og að framan er greint um hinn upprunalega
sjóð, og þannig koll af kolli, að hver útgáfa bókarinnar kostar á
ný næstu útgáfu hennar, aukna og endurbætta.

9. gr.

Reikningsár sjóðsins er almanaksárið.

10. gr.

Sjóðsstjórninni er heimilt að ráða gjaldkera til að hafa á
hendi reikningsskil sjóðsins, taka við greiðslum í hann, og annast
um greiðslur úr honum eftir fyrirmælum hennar.

Við lok hvers reikningsárs lætur sjóðsstjórnin endurskoða reikn-
ingana, og skal það gert af endurskoðanda, er bæði kenslumálaráðu-
neytin samþykkja, hið danska og hið íslenska; skulu síðan reikning-
arnir endurskoðaðir sendir báðum ráðuneytum í samhljóða eintökum.

11. gr.

Stofnskrá þessi er gerð í tveimur undirskrifuðum eintökum, og
er annað samið á íslensku, hitt á dönsku. Leita skal konungsstað-
festingar á henni fyrir tilstilli kenslumálaráðuneytisins íslenska og
danska, í hvoru landi fyrir sig.

Kaupmannahöfn, 24. okt. 1924.

Sigfús Blöndal.

Björg C. Þorlákssdóttir Blöndal.